



**DETAMINESEN 20 blong 2017 – DETAMINESEN LONG OLGETA ENTAETOLMEN BLONG WAN
MEMBA BLONG WAN PROVINSOL GAVMAN KAONSEL MO WAN MEMBA BLONG WAN
MUNISIPOL KAONSEL**

- Detaminesen ia i tokbaot difren entaetolmen mo isiu we i rilet long olgeta memba blong
Detaminesen ia i tokbaot difren entaetolmen mo isiu we i rilet long olgeta memba blong wan
Provinsol Gavman Kaonsel o wan Munisipol Kaonsel. Hemi inkludim:

WANEM WE I STAP INSAED INSAED PEPA IA:

PAT 1 – BIGFALA LUKLUK.....	2
PAT 2 – RISPONSABILITI ALAWENS.....	2
PAT 3 – KONSTITUENSI ALAWENS.....	3
PAT 4 – AKOMODEISEN ENTAETOLMEN.....	3
PAT 5 – ENTAETOLMEN BLONG PRESIDEN BLONG WAN KAONSEL.....	3
PAT 6 – OLGETA ISIU WE I KAM WETEM.....	4

Band	Minima	Midpoint	Maxima
PGC 1	1,345,100	1,434,800	1,483,500

PAT 1 – BIGFALA LUKLUK

1.1 Paoa:

- 1.1.1 Detaminesen ia i kamaot folem seksen 13(1) blong Gavman Remunereisen Traebunol Akt blong 1998 (CAP 250).
- 1.1.2 Traebunol i save givimaot ol gaedens not sam samtaem blong asistim Emploea we i risponsibol long administresen blong Detaminesen ia.

1.2 Hemi aplae long huia:

- 1.2.1 Detaminesen ia hemi aplae nomo long olgeta Memba blong olgeta Provinsol Gavman Kaonsel mo olgeta Memba blong olgeta Munisipol Kaonsel.
- 1.2.2 Kaonsel olsem we oli rifea long hem insaed long Detaminesen ia oli shud tekem se hemi minim Provinsol Gavman Kaonsel o Munisipol Kaonsel.

1.3 Deit we i stat:

- 1.3.1 Detaminesen ia i shud kam efektif stat long namba 1 Januari 2018.
- 1.3.2 Taem we Detaminesen ia i stat, hemi shud tekem ples mo kanselem eni detaminesen mo desisen we i rilet long olgeta entaetolmen blong olgeta Memba blong olgeta Provinsol Gavman Kaonsel, olgeta Memba blong olgeta Munisipol Kaonsel, olgeta Presiden blong olgeta Provinsol Gavman Kaonsel, olgeta Lod Mea blong olgeta Munisipaliti.

PAT 2 – RISPONSABILITI ALAWENS

- 2.1 Wan Memba blong Kaonsel hemi entaetol long wan Anuol Risponsabiliti alawens we oli putumaot long strakja andanit ia:

ALAWENS STRAKJA		Greid		
		Minimam	Midpoen	Maksimam
Posisen	Band	1	2	3
Memba blong Kaonsel	PGC 1	1,345,100	1,434,600	1,482,500

- 2.2 Folem seksen 2.1 blong Detaminesen ia, Minista we i risponsibol long ol Provinsol Afea nao i shud mekem adjasmen long alawens mo wetem abiliti blong Gavman blong pem.

- 2.3 Amaon we oli diklerem long seksen 2.1 long Detaminesen ia i shud fomem besis blong kalkuleisen blong olgeta kontribusen blong Providen Fan mo Severens Pei blong wan Memba blong Kaonsel.

PAT 3 – KONSTITUENSI ALAWENS

- 3.1 Wan memba blong Kaonsel i shud kasem wan Konstituensi alawens we i go antap kasem be i no bitim 1,500,000 VT long wan yia.
- 3.2 Folem seksen 3.1 blong Detaminesen ia amaon we oli diklerem ia bae hemi mas wan desisen blong Minista we i risponsibol long ol Provins Afea mo wetem abiliti blong Gavman blong pem.

PAT 4 – AKOMODEISEN ENTAETOLMEN

- 4.1 Wan Memba blong Kaonsel taem we hemi tekpat long wan miting blong Kaonsel o wan miting blong Komiti blong Kaonsel hemi entaetol long wan rent haos we hemi save afodem blong pem.
- 4.2 Long kes we Sekretariat blong Kaonsel hemi no save akomodetem Memba blong Kaonsel, Memba i shud karem wan alawens we i go kasem be i no bitim 7,500VT long wan dei.
- 4.3 Presiden blong Kaonsel mo Lod Mea blong Munisipaliti i no entaetol long alawens ia.
- 4.4 Wan memba blong Munisipol Kaonsel hemi no entaetol long Akomodeisen entaetolmen.

PAT 5 – ENTAETOLMEN BLONG PRESIDEN BLONG PROVINSOL GAVMAN KAONSEL O LOD MEA BLONG WAN MUNISIPALITI

5.1 Anuol Salari

5.1.1 Presiden blong wan Provinsol Gavman Kaonsel o Lod Mea blong wan Munisipaliti hemi entaetol long wan Anuol Salari we oli putumaot long strakja andanit ia:

SALARI STRAKJA		Greid		
		Minimam	Midpoen	Maksimam
Posisen	Band	1	2	3
Presiden o Lod Mea	PLM 1	3,968,600	4,206,700	4,444,800

5.1.2 Folem seksen 5.1.1 blong detaminesen ia, Minista we i risponsibol long ol Provinsol Afea nao hemi mekem adjasmen long salari blong Presiden blong Provinsol Gavman Kaonsel o Lod Mea blong Munisipaliti mo wetem abiliti blong Gavman blong pem.

- 5.1.2 Wan Memba blong Kaonsel taem we hemi akting Presiden blong Provinsol Gavman Kaonsel hemi shud tekem Salari blong Presiden blong Provinsol Gavman Kaonsel.
- 5.1.3 Wan Memba blong Kaonsel taem we hemi akting Lod Mea blong Munisipaliti hemi shud tekem Salari blong Lod Mea blong Munisipaliti.

5.2 Provisen blong Haosing

- 5.2.1 Presiden blong Provinsol Gavman Kaonsel o Lod Mea blong Munisipaliti hemi entaetol long wan haos we i gat funija insaed wetem evri fasiliti we Kaonsel bae i pem.
- 5.2.2 Long kes blong wan haos we i gat funija insaed, osem we i stap long seksen 5.2.1, oli no save mekem hemi availebol, Kaonsel i shud risponsibol blong akomodetem Ofis holda long wan haos we hemi semak standet long wan haos we i gat funija insaed be rent blong hem i no bitim 80,000vt long wan manis mo hemi inkludim takis blong rent.
- 5.2.3 Sipos fi blong rent i bitim hemia we oli statem long seksen 5.2.2 blong Detaminesen ia, Sekretari Jenerol blong Provinsol Gavman Kaonsel i shud eksesaesem gudfala bisnis akumen long haosem Presiden blong Kaonsel.
- 5.2.4 Sipos fi blong rent i bitim hemia we oli statem long seksen 5.2.2 blong Detaminesen ia, Taon Klak blong Munisipaliti i shud eksesaesem gudfala bisnis akumen blong haosem Lod Mea blong Munisipaliti.

5.3 Trak


Presiden blong Provinsol Gavman Kaonsel mo Lod Mea blong Munisipaliti i entaetol long wan trak; mo Kaonsel nao bae i lukluk long sevis mo mentenens blong trak ia.

PAT 6 – OLGETA ISIU WE I KAM WETEM


- 6.1 Wei we oli shud pem olgeta entaetolmen hemi risponsabiliti blong Kaonsel wetem konsalteisen blong Ministri we hemi risponsibol long ol Provinsol Afea.

6.2 Olgeta benefit entaetolmen: Stat long namba 1 Januari 2018, wan Memba blong Kaonsel, Presiden blong wan Provinsol Gavman Kaonsel mo Lod Mea blong wan Munisipaliti bae hemi no entaetol long olgeta Tek hom pei entaetolmen ia: Pikinini, Famili o Waef alawens, Kost blong Living alawens, Entetemen alawens, Fuel alawens, Haosing alawens mo Telefon alawens.

Oli saenem long namba 17 Novemba 2017.



Marie Antoinette Nirua
Jeaman



Chris Kernot
Memba



Roan Lester
Memba

Faint, illegible text at the top of the page, possibly bleed-through from the reverse side.

[Handwritten signature]

[Handwritten signature]

